

# **Txivyog Leej Twg Tiag**

L  
E  
E  
J  
  
T  
X  
I  
V



**Cov Txiv Yuav Tsum Paub  
Txog**

## Txivyog Leejtwg Tiag

---

### **Leej txiv yog dab tsi?**

“Leej txiv” txhais tau hais tias yog tus menuam txiv. “Kev txiav txim txog leej txiv” txhais tau hais tias xyuas seb leej txiv yog leej twg thiab txiav txim yam raws txoj cai seb tus menuam txiv yog leej twg.

### **Yog vim li cas ho tseem ceeb uas yuav txiav txim txog leej txiv?**

Koj tus menuam muaj cai muaj ib tug niam thiab ib tug txiv, txawm tias koj tsis muaj poj niam. Thaum uas ntxiv koj lub npe rau koj tus menuam daim ntawv yug, koj tus menuam muaj ib co cai tshwj xeeb. Cov cai no tej zaum yuav muaj xws li nyiaj them yug menuam, kev tuav pov hwm rau kev kho mob, cov cai uas koom hauv ib pawg neeg twg (rau cov menuam Qhab Mis Kas) thiab cov cai rau caj ces teej tug. Nws ua rau koj tus menuam tsim nyog rau cov nyiaj Social Security yog tias koj tuag lawm los ua tsis taus lawm. Qhov no pom tau hais tias koj tus menuam paub txog nws tsev neeg li keeb kwm txog kev kaj huv ntawm cev (rau tej yam xws li ntshav qab zib thiab sickle cell). Tsuas yog thaum uas ntxiv koj lub npe rau hauv tus menuam cov ntaub ntawv yug xwb uas koj tus menuam thiaj li paub meej tias ob niam txiv raws cai yog leej twg tiag.

Thaum uas muaj kev txiv txim seb leej txiv yog leej twg tiag, koj cov cai ua txiv yuav tsum tau muab los xyuas ua ntej yuav muab koj tus menuam tso rau lwm tus neeg yuav coj mus tu.

### **Kev txiav txim txog leej txiv raws txoj cai pib li cas?**

Wisconsin txoj cai yuav kom muaj kev txiav txim txog leej txiv rau tag nrho cov menuam. Kev xyuas seb leej txiv yog leej twg yuav pib thaum twg los tau tom qab yug koj tus menuam.

Muaj plaub txoj kev uas yuav xyuas seb leej txiv yog leej twg.

## COV TXIV YUAV TSUM TAU PAUB TXOG

---

**1) Yog tias koj yeeb paub tseeb hais tias koj yog leej txiv, txoj kev uas yooj yim tshaj rau koj thiab tus niam yog kos npe rau ib daim ntawv**  
*Pom Zoo Txog Kev Yeem Thaj Tias Yog Leej Txiv (Voluntary Paternity Acknowledgment)* tom qab yug koj tus menuam. Qhov no yuav ua tau kom koj yog txiv raws txoj cai. Yuav muab koj lub npe ntxiv rau daim ntawv yug. Daim ntawv no tsis yog ua ib qho kev yuam kom them nyiaj yug menuam. Nws yuav cia tsev hais plaub yuam kom them nyiaj yug menuam yog tias tsim nyog. Daim ntawv no nkaus xwb yuav tsis yog tias tus txiv yuav tau cai saib xyuas tus menuam los sis cov cai seb tus menuam yuav nyob qhov twg (cia tuaj xyuas).

**Yog tias koj xav kom ntsuam xyuas roj ntsha (genetic), koj yuav tsum tsis txhob kos npe rau daim ntawv ua ntej qhov kev soj ntsuam ntawv ua tiav.** Koj nug tau koj lub laj fai saib xyuas kev them nyiaj yug menuam kom muaj kev ntsuam xyuas roj ntsha ua ntej koj kos npe rau daim ntawv *Pom Zoo Txog Kev Yeem Thaj Tias Yog Leej Txiv*. Xyuas nplooj 1 yog xav paub ntxiv txog cov kev soj ntsuam roj ntsha.

Koj thiab leej niam kos npe tau rau daim ntawv thiab kom muaj neeg ua pov thawj tom tsev kho mob thaum uas yug tau koj tus menuam. Tag nrho cov tsev kho mob hauv Wisconsin muaj daim ntawv no. Koj tus neeg pab thaum yug menuam muaj daim ntawv no thiab. Daim ntawv no muaj tom koj lub nras los sis lub chav fai saib xyuas kev them nyiaj yug menuam. Koj lub chav fai them nyiaj yug menuam yuav pab koj txog daim ntawv no. Koj yuav nrhiav tau tus xov tooj rau koj lub laj fai saib xyuas kev them nyiaj yug menuam muaj nyob hauv koj phau ntawv xov tooj hauv “County Government” (tsoom fwv hauv nras) los sis ntawm lub npe hauv pawg ntawv.

## Txivyog Leejtwg Tiag

---

Daim ntawv *Pom Zoo Txog Kev Yeem Thaj Tias Yog Leej Txiv* tseem muaj nyob rau tom koj lub chav fai sau npe ua tswv (register of deeds) thiab hauv xeev lub chav fai Ceev Cov Ntaub Ntawv Tseem Ceeb (Vital Records) hauv Madison.

**2)** Koj thiab leej niam yuav cog lus tau (pom zoo raws txoj cai) los pib ib qho txiav txim txog leej txiv thiab kev them nyiaj yug menuam.

Qhov kev cog lus no tej zaum muaj kev npaj rau kev txiav txim siab txog koj tus menuam (seb leej twg tau) thiab kev tuaj xyuas koj tus menuam (chaw uas menuam nyob). Cov tsev hais plaub yuav tsum tau pom zoo rau qhov kev cog lus no. (Koj lub chav fai saib xyuas kev them nyiaj yug menuam yuav qhia tau seb yuav ua li cas es thiaj li tsis tau mus hais tom tsev hais plaub. Koj thov tau kom lub laj fai saib xyuas kev them nyiaj yug menuam muaj kev ntsuam xyuas roj ntsha ua ntej koj kos npe rau daim ntawv cog lus no. Xyuas nplooj 1 txog cov kev ntsuam xyuas roj ntsha.)

**3)** Yog tias pom tau hais tias tej zaum koj yog leej txiv thiab tsis pom zoo, lub tsev hais plaub yuav tsum tau txiav txim rau qhov no. Yuav teem sij hawm mus hais tom tsev hais plaub. Koj yuav tau tuaj rau hauv lub rooj hais plaub. Qhov thiv meem ntawm tsev hais plaub yog los txiav txim txog leej txiv, tsis yog rau txim rau koj. Yuav hais koj cov cai thiab thiv meem rau nws koj tom lub rooj hais plaub. Koj thov tau kom muaj ib qho kev ntsuam xyuas roj ntsha los xyuas seb koj puas yog leej txiv.

Yog tias koj tsis tuaj rau ntawm lub sij hawm thiab qhov chaw uas teem rau koj, tej zaum tsev hais plaub tseem txiav txim tau txog leej txiv txawm tias koj tsis nyob ntawv, thiab hais tias koj yog leej txiv. Qhov no yog hu ua “default judgment” (txiav txim yam tsis koom tes). Koj

## COV TXIV YUAV TSUM TAU PAUB TXOG

---

yuav tau 30 hnub los qhia rau tsev hais plaub seb yog vim li cas koj ho tsis tuaj hauv tsev hais plaub. Tom qab 30 hnub, qhov kev txiav txim txog leej txiv yuav ua kom tiav thiab tsev hais plaub yuav yuam tau kom them nyiaj yug menuam.

**4)** Yog tias koj thiab leej niam sib yuav tom qab yug koj tus menuam, koj thiab leej niam yuav tsum kos npe rau daim ntawv *Raws Txoj Cai* (Legitimation) los pib qhov kev xyuas seb leej txiv yog leej twg. Koj yuav nqa tau daim ntawv no tom koj lub laj fai saib xyuas kev them nyiaj yug menuam los sis hauv xeev lub chav fai Ceev Cov Ntaub Ntawv Tseem Ceeb (Vital Records). “Raws Txoj Cai” muab txoj cai rau koj thiab koj tus menuam tib yam nkaus li uas koj twb yuav poj niam ua ntej yug tus menuam. Koj thiab leej niam yuav tsum kos npe rau daim ntawv no ntawm ib tug neeg ua pov thawj thiab xa mus rau xeev lub chav fai Ceev Cov Ntaub Ntawv Tseem Ceeb (Vital Records) hauv Madison.

### **Yog tias kuv tsis paub seb kuv puas yog leej txiv, kuv yuav ua li cas?**

Yog tias koj tsis paub tseeb, **tsis txhob kos npe** rau daim ntawv *Pom Zoo Txog Kev Yeem Thaj Tias Yog Leej Txiv*. Thaum uas teev daim ntawv no thiab ua tiav lawm, yuav pom tau hais tias koj yog leej txiv raws txoj cai tiag, thiab tsev hais plaub yuav yuam tau kom koj them nyiaj yug menuam. Yog tias tsis tau pib ib qho kev hais plaub, hu rau lub laj fai saib xyuas kev them nyiaj yug menuam (nyob hauv phau ntawv xov tooj hauv “County Government” (tsoom fwv hauv nras) los sis ntawm lub npe hauv pawg ntawv) thiab nug txog kev ntsuam xyuas roj ntsha.

## Txivyog Leejtwg Tiag

---

Yog tias twb pib qho kev hais plaub lawm, koj yuav tsum tau tshwm tom lub rooj hais plaub rau lub sij hawm uas teem cia ntawv.

Yuav txiav txim seb leej txiv yog leej twg, lub laj fai saib xyuas kev them nyiaj yug menuam los sis tsev hais plaub yuav yuam kom muaj ib qho kev ntsuam xyuas roj ntsha. Yog tias cov kev ntsuam xyuas ntawv pom tau hais tias koj tsis yog leej txiv, yuav xaus koj rooj plaub. Yog tias qhov kev ntsuam xyuas ntawv pom tau hais tias koj yog leej txiv li ntawm 99% los sis siab tshaj ntawv, yuav xam tias koj yog leej txiv raws txoj cai.

### **Yog tias kuv ntseeg tias kuv yog leej txiv, kuv yuav ua li cas?**

Txawm tias koj npaj siab yuav pab koj tus menuam thiab leej niam los, nws tseem ceeb heev uas yuav tau txiav txim txog leej txiv. Yog tias leej niam tsis pom zoo, koj mus tau tom tsev hais plaub mus pib ib qho kev txiav txim txog leej txiv. Koj lub laj fai saib xyuas kev them nyiaj yug menuam tej zaum yuav pab tau koj. Qhov muaj kev txiav txim txog leej txiv, koj yuav paub tseeb tias muaj kev tiv thaiv koj cov cai thiab koj tus menuam cov cai. Leej txiv yuav muaj kev sib raug zoo nrog rau lawv cov menuam txawm tias lawv tsis tau yuav poj niam los sis muaj kev sib txheeb nrog leej niam. Tej zaum yuav muaj tej chav qhia thiab kev txhawb nqa hauv koj cheeb tsam los pab cov txiv.

### **Kuv puas tseem yuav tau kos npe rau ib daim ntawv *Pom Zoo Txog Kev Yeem Thaj Tias Yog Leej Txiv* txawm tias kuv twb nyob nrog leej niam nyob lawm?**

Tau. Tej zaum koj yuav ntseeg tias tsis tas yuav muaj kev txiav txim txog leej txiv tam sim no vim tias koj twb nyob nrog thiab npaj pab leej niam thiab tus menuam. Qhov no tej zaum yuav hloov tau. Li ntawv,

## COV TXIV YUAV TSUM TAU PAUB TXOG

---

nws tseem ceeb heev uas yuav tau txiav txim txog leej txim yam raws txoj cai tam sim no.

**Nws tsev neeg tsis xav kom kuv nyob li, los sis nws hais tias tus  
menuam tsis yog kuv tus. Kuv yuav ua li cas?**

Yog tias koj ntseeg tias koj yog tus menuam txiv tiag, nws yog koj txoj cai thiab thiv meem los tsim ib qho kev txiav txim txog leej txiv, txawm tias tus niam los sis nws tsev neeg tsis kam kom koj nyob. Koj tus kws lij choj los sis lub laj fai saib xyuas kev them nyiaj yug menuam yuav pab tau koj txog qhov kev uas txiav txim txog leej txiv.

**Kuv puas yuav tsum tau ib tug kws lij choj?**

Lub laj fai saib xyuas kev them nyiaj yug menuam muaj tus kws lij choj yuav hais tau kom muaj kev txiav txim txog leej txiv tiam sis yuav **tsis sawv cev** koj. Thaum uas pom tau hais tias tej zaum koj yog leej txiv, tej zaum koj yuav xav tau ib tug kws lij choj los sawv cev. Yog tias koj muaj 18 xyoo rov hauv thiab pom tau hais tias tej zaum yog leej txiv, lub tsev hais plaub yuav nrhiav ib tug kws hais plaub rau koj yog tias koj tsis tau muaj koj ib tug kws lij choj. Yog tias koj muaj 18 xyoo rov sauv, koj ntiav tau koj ib tug kws lij choj.

**Kev ntsuam xyuas roj ntsha . . . Lawv ua tau dab tsi?**

Kev ntsuam xyuas roj ntsha (DNA) yuav ua tau los ntawm qhov “buccal swab” los sis tso ntsha. Feem ntau cov chaw ua qhov uas siv tus rwb dua qhov uas tso ntsha. Tag nrho ob hom kev ntsuam xyuas no, yuav muab ib qho ua piv txwv los ntawm koj, leej niam thiab tus menuam. Cov kev qhia ntawm cov kev ntsuam xyuas no yuav qhia tau qhov kws yees ntawm ib tug txiv neej uas nws yuav los ua tau leej txiv. Tsev hais plaub siv cov kev paub no los txiav txim txog leej txiv thaum uas leej txiv los sis leej niam tsis paub meej los sis tsis pom zoo

## Txivyog Leejtwg Tiag

---

seb leej txiv yog leej twg. Raws txoj cai, ib tug txiv neej yuav pom tau hais tias yog leej txiv thaum uas qhov kev ntsuam xyuas ntawv qhia tau tias nws yog leej txiv yam tsawg yog 99% los sis ntau tshaj. Koj muaj cai tsis pom zoo rau cov uas paub los ntawm kev ntsuam xyuas no hauv tsev hais plaub.

**Leej twg them rau cov kev ntsuam xyuas roj ntsha no?**

Lub laj fai saib xyuas kev them nyiaj yug menuam yuav them rau cov kev ntsuam xyuas roj ntsha no kom txog thaum uas paub tias leej txiv yog leej twg. Yog tias cov kev ntsuam xyuas no pom tau hais tias koj yog leej txiv, koj los sis leej niam tej zaum yuav raug yuam los them rau cov kev ntsuam xyuas no. Yog tias cov kev ntsuam xyuas pom tau hais tias koj tsis yog leej txiv, koj yuav tsis tau them rau cov kev ntsuam xyuas no.

**Kuv puas yuav tau them nyiaj yug menuam?**

Yog tias pom tau hais tias koj yog leej txiv, koj yuav tau them nyiaj yug menuam.

**Yog tias kuv tseem kawm ntawv hauv tsev kawm ntawv qib cuaj txog kaum ob ne?**

Yog tias koj tseem kawm ntawv thiab yuav pab tsis tau koj tus menuam, tsev hais plaub tej zaum yuav txiav txim cia tos kom txog thaum uas koj kawm ntawv tiav thiab ua hauj lwm. Tsev hais plaub yuav luj koj qhov kev kawm ntawv rau qhov uas koj tus menuam xav tau. Yog tias koj muaj 18 xyoo rov hauv, tsev hais plaub tej zaum yuav yuam kom koj niam koj txiv pab them nyiaj yug menuam.

**Yog tias kuv tsis muaj hauj lwm ua los sis ua nyiaj tsis tau ntau ne?**

Tsev hais plaub yuav ua kom ncaj thaum uas txiav txim txog seb yuav them nyiaj Yug menuam pes tsawg kom txhua tus neeg tau nyiaj txaus los yuav noj yuav hnav. Tsev hais plaub tej zaum yuav xyuas koj lub peev xwm los them thaum uas txiav txim txog seb yuav them nyiaj Yug menuam pes tsawg. Tej zaum tsev hais plaub yuav yuam kom koj mus nrhiav hauj lwm yog tias koj tsis ua hauj lwm thiab ua tau hauj lwm. Tsev hais plaub tej zaum yuav xa koj mus Children First Program uas yuav pab koj nrhiav ib txoj hauj lwm.

Yog xav paub ntxiv txog kev them nyiaj Yug menuam, xyuas hauv phau ntawv *Child Support - What the Paying Parent Needs to Know* (*Nyiaj Yug Menuam—Yam Dabtsi Leejnam los sis Leejtxiv Uas Raug Yug Menuam Yuav Tsum Paub*). (Cov phau ntawv cov npe muaj sau rau nplooj 1.)

**Kev txiav txim txog leej txiv muaj feem dab tsi nrog rau Wisconsin Works (W-2), Temporary Assistance for Needy Families (TANF), Medicaid, kev zov menuam thiab nyiaj muas noj?**

Yog tias koj tus menuam los sis koj tus menuam leej niam tau nyiaj los ntawm W-2 los sis TANF Program thiab koj tau kev yuam kom them nyiaj Yug menuam, tej zaum koj yuav koom tau hauv qhov kev pab W-2/TANF Noncustodial Parent Program. Qhov kev pab no pab koj nrhiav hauj lwm.

Thaum uas koj tus menuam los sis koj tus menuam leej niam tau txais kev pab los ntawm W-2, TANF, Medicaid, kev pab zov menuam los sis nyiaj muas noj, xeev kom lub nras los sis pawg neeg ntawv tsim

## Txivyog Leejtwg Tiag

---

ib qho kev yuam kom them nyiaj yug menuam. Yuav kom koj koom tes nrog lub laj fai saib xyuas kev them nyiaj yug menuam.

Yog tias koj tau nyiaj muas noj, koj yuav tau koom nrog rau lub laj fai saib xyuas kev them nyiaj yug menuam. Yog tias koj tseem tiv cov nyiaj yug menuam, koj yuav tau pom zoo nrog rau koj lub laj fai saib xyuas kev them nyiaj yug menuam txog qhov npaj ua hli them rov qab.

### **Kuv puas yuav tau mus tom tsev laj cuj?**

Yog tias koj txhob tswm tsis them qhov tsev hais plaub yuam kom them nyiaj yug menuam, tej zaum koj yuav raug nplua rau qhov uas txhob txwm los sis qhov uas ua txhaum cai vim tsis them nyiaj yug menuam.

### **Kuv puas yuav tau cai saib xyuas tus menuam?**

Nyob rau hauv Wisconsin txoj cai, thaum uas ib tug menuam leej niam leej txiv tsis tau siab yuav, tus niam yog tib tug uas tau cai los saib xyuas tus menuam kom txog rau thaum uas tsev hais plaub yuam lwm yam. Koj tsis tau yuav tau kev saib xyuas raws cai es thiaj li yuav mus xyuas tau koj tus menuam.

Yog tias koj thiab leej niam tsis pom zoo txog seb leej twg yuav tau cai saib xyuas tus menuam, koj nug tau kom tsev hais plaub muaj ib qho kev yuam kom ob leeg tau txoj cai los saib xyuas tus menuam.

Yog tias koj thiab leej niam tsis pom zoo txog qhov uas tuaj xyuas (qhov chaw uas menuam nyob), koj nug tau kom tsev hais plaub yuam ib qho chaw uas menuam nyob.

Neb ob leeg yuav tau npaj ib “lub hom phiaj txog kev ua niam ua txiv,” thiab tsev hais plaub yuav txiat seb qhov twg yog qhov uas yuav

## COV TXIV YUAV TSUM TAU PAUB TXOG

---

zoo tshaj rau tus menyuam. Cov teeb meem txog kev xyuas seb leej twg tau tus menyuam thiab seb yuav nyob qhov twg yuav hais tau hauv tsev hais plaub hauv qhov kev pab tawm tswv yim rau tsev neeg.

### **Cov Ntsiab Lus Siv Hauv Kev Cai Lij Choj**

Cov ntsiab lus uas siv hauv kev cai lij choj tej zaum yuav tsis meej pem heev. Cov ntsiab lus no tej zaum yuav pab tau koj nkag siab txog txoj kev nrhiav leej txiv.

**Tus Txiv Uas Pom Tau Tias Tej Zaum Yog (Alleged Father):** Tus txiv neej uas tus niam hais tias yog tus menyuam txiv los sis ib tug txiv neej uas nws ntseeg tau hais tias nws yog tus txiv thiab pib qhov kev nrhiav leej txiv.

**Children First Program:** Ib qho kev pab uas pab txog kev nrhiav hauj lwm, kev xyaum hauj lwm, kev kawm ntawv los sis kev xyaum kom paub ua hauj lwm rau cov uas them nyiaj yug menyuam. Tsev hais plaub yuav tsum tau yuam tus niam txiv ntawv los mus rau hauv Children First Program.

**Lub Sij Hawm Uas Xeeb Menyuam (Conceptive Period):** Lub sij hawm thaum uas tej zaum xeeb tus menyuam. Rau cov uas muaj menyuam zoo, nws yog lub sij hawm 60 hnub, li ntawm 240 mus rau 300 hnub ua ntej yug.

**Tus Tau Cai Saib Xyuas (Custody):** Txoj cai txiav txim tej yam loj rau tus menyuam uas muab rau ib los sis ob tug niam txiv. Ib leej niam los sis leej txiv (ib leeg tau cai) los sis ob niam txiv (ob leeg sib koom cai) tau cai los tau.

**Tus Neeg Saib Xyuas (Guardian):** Ib tug neeg uas tsis yog leej niam leej txiv uas muaj cai saib xyuas tus menyuam. Feem ntaw menyuam

## Txivyog Leejtwg Tiag

---

tsis tshua muaj ib tug neeg saib xyuas raws txoj cai. Qhov no tsuas muaj thaum uas tsev hais plaub cia lwm tus neeg uas tsis yog leej niam leej txiv tau txoj cai los saib tus menuam.

**Lub Sij Hawm Ntawm Qhov Chaw Tus Menyuam Nyob (Periods of Physical Placement):** (tseem hu ua kev tuaj xyuas) Lub sij hawm uas tus menuam nrog leej niam los sis leej txiv.

**Qhov Chaw Tus Menyuam Nyob Heev Tshaj (Primary Physical Placement):** Qhov chaw uas tus menuam nyob feem ntau.

**Temporary Assistance for Needy Families (TANF):** Tsoom fwv ib qho kev pab uas muaj sij hawm xaus los pab cov neeg uas xav tau kev pab uas muaj menuam.

**Tus foob (Petitioner):** Ib tug neeg uas ua tsab ntawv foob rau hauv tsev hais plaub, tseem hu ua tus ua ntawv thov.

**Tus raug foob (Respondent):** Ib tug neeg teb tsab ntawv foob hauv tsev hais plaub, tseem hu ua tus tiv thaiv.

**Wisconsin Works (W-2):** Xeev ib qho kev pab nrhiav hauj lwm, uas tau nyiaj los ntawm TANF, uas pab cov niام txiv nrhiav hauj lwm. W-2 pab txog kev zov menuam, tsheb thauj mus los, kev xyaum hauj lwm thiab kev kawm ntawv.

## **Lwm Cov Phau Ntawv Txog Kev Them Nyiaj Yug Menyuam (Hmoob)**

Cov phau ntawv nram qab no muaj hauv koj lub nras los sis lub laj fai saib xyuas kev them nyiaj Yug Menyuam (nyob hauv phau ntawv xov tooj hauv “County Government” (tsoom fwv hauv nras) los sis ntawm lub npe hauv pawg ntawv). Cov khoom no muaj nyob hauv Internet <[childsupport.wisconsin.gov](http://childsupport.wisconsin.gov)>. Feem ntau cov tsev teev ntawv muaj kev nkag rau hauv Internet.

Nyiaj Yug Menyuam—Yam dabtsi leejnam los sis leejtxiv uas raug Yug Menyuam Yuav Tsum Paub (Child Support - What the Paying Parent Needs to Know)

Cov Qauv Uas Tsim Tseg Seb Them Nyiaj Npaum Licas Mus Yug Menyuam (Guidelines for Setting Child Support Payment Amounts)

Pab Koj Tus Menyuam Mus Ib Ruam Ua Ntej (Help Your Baby Get a Step Ahead)

Medicaid thiab Kev Them Nyiaj Yug Menyuam - Sib Koom Siab thiab Muaj Tseeb (Medicaid and Child Support - Cooperation and Good Cause)


Medicaid thiab Them Cov Nujnqis Thaum Yug Tus Menyuam (Medicaid, Child Support and the Repayment of Birth Costs)

Nrhiavtxiv: Yam Tus Niam Yuav Tsum Tau Paub (Legal fatherhood (Paternity): What Mothers Should Know)

Thaum uas Cov Hluas Los Ua Niam Ua Txiv (When Teens Become Parents)

Wisconsin Kev Them Nyiaj Yug Menyuam (The Wisconsin Child Support Program)

## **Kuv yuav hu leej twg yog xav tau kev pab?**



### **Los sis**

Hu rau koj lub nras los sis lub laj fai saib xyuas kev them nyiaj yug menuam (nyob rau hauv koj phau ntawv xov tooj hauv “County Government” (tsoom fwv hauv nras) los sis ntawm lub npe hauv pawg ntawv).

Cov lus txog Kev Them Nyiaj Yug Menyuam muaj nyob rau hauv Internet ntawm <**www.dwd.state.wi.us/bcs**>

Feem ntau cov tsev teev ntawv muaj kev nkag mus rau hauv Internet.

DWD yog ib tug tswv hauj lwm thiab chaw pab uas muaj kev sib luag. Yog tias koj muaj kev ib ce tsis meej xeeb thiab xa tau cov lus no ua lwm hom ntawv, los sis txhais ua lwm hom lus, thov hu (608) 266-9909 los sis (800) 947-3529 WTRS (Hu Dawb).

Legal Fatherhood (Paternity) What Fathers Should Know (Hmong)

DWSC-673-H-P (R. 8/2004) (T. 10/2004)